



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 101. Oratores Græci Constantinopolim reversi.

[urn:nbn:de:hbz:466:1-66272](https://nbn-resolving.org/urn:nbn:de:hbz:466:1-66272)

Sæcul. XV.
A.C. 1431. berrima est, cui ingentem quoque splendorem addidit Sedes Archiepiscopalis, quæ ibidem ab Innocentio III. Papa restituta est, postquam cives capta a Gallis Constantinopoli sacrarum expeditionum tempore ad Sedis Apostolicæ obsequium redibant. Præcipue vero hujus urbis gloriam auget, quod S. Apostolus Paulus in ea commoratus, fidem Christi prædicasset. Hanc itaque Turcæ hoc anno diripuerunt, compluribus civium trucidatis, aliis vero divenditis, in quorum locum Ottomani succedere, civitati deinceps nomine *Salonicæ* imposito. Veneti, qui in præsidio erant, per navigia, quæ in portu hærebant, fuga elapsi aliquamdiu bellum continuabant, sed Turcæ hujus Urbis imperium adhucdum retinentes, eam totius Græciæ longe celeberrimam reddiderunt.

§. CI.

Græcorum Legati Constantinopolim reversi.

Phranz. l. 2.
s. 13. **M**ense Julio currentis anni redeunt Constantinopolim Legati a Joanne Palæologo Græcorum Imperatore ad Papam missi. Erant vero ii Marcus Jagre ex Palæologorum genere, Proto-vestiarius; Connestabilis; magnus Archimandritarum Protosyngelus, seu Præfectus; Basili-

Basilicæ monasterii Pantocratoris, seu Omnipotentis Superior; & Mauritius Hiero-Monachus, qui Imperatoris conscientiam moderabatur. Ex quo elucet, quantum ea res cordi esset Joanni Palæologo, quam tamen eidem olim Emanuel ejus Pater, antequam moreretur, vehementer dissuaserat. Tanto quippe desiderio peroptabat ambas Ecclesias una fide conjungi, quanto Turcæ easdem dividi cupiebant. Aliunde vero probe cognoverat, Græcos suis opinionibus tam pertinaciter inhærere, atque a concordia cum Latinis ineunda tantopere averfos, ut schismatis incrementum potius formidandum, quam ejus extinctio speranda foret. Ceterum hi Legati, ubi Romam delati sunt, Martino V. jam fatis functo ad Papam Eugenium se converterunt, in quo tamen non eandem, quam in Prædecessore suo, facilitatem, ac affectum experti sunt.

Sæcul. XV.
A.C. 1431.

§. CII.

Amuratis Victoriæ.

Amurates capta Thessalonica victricibus suis armis omnem circumcirca regionem usque ad sinum Corinthium incredibili velocitate in suam redegit potestatem. Joannes Castriota Epiri (hodie Albanicæ) Rex, cum tam potenti inimico

*Chalc. hist.
Turca. l. 5.*